

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Dissertatio Philologica De Sepultura Josephi Patriarchae

**Carpzov, Johann Benedict
Ibbeken, Rudolph**

Lipsiae, 1697

§. XXVII

urn:nbn:de:bsz:31-10271

fol. 103. Drusius ad Loca diffic. Genes. cap. XCVII. p. 118. seqq. Hottinger-
 tus de nummis Oriental. p. 103. sq. Calovius in tractatu de nummis Hebrais,
 Bibliis Illustratis praemisso Cap. VII. fol. 187. &c. Nobis ista sufficiunt.

§. XXVII. Properandum ad *Consequentia*, inter qua primum
 est *Monumentum*, quod sepulcro Josephi impositum fuisse, testatur Hiero-
 nymus in Quaestionibus seu traditionibus Hebraicis in Genesin, Tom.
 III. Opp. fol. 148. a. cum Sichemicae ditionis Josepho à patre destinatae
 meminisset: *Eodem, inquit, loco sepultus est Joseph; & Mausoleum ejus
 ibi hodieque cernitur.* Unde non de solo conditorii loco, sed simul de
 monumento ibi conspicuo intelligendum, quando Idem de locis He-
 braicis *ibid. fol. 194. e.* scribit: *Sichem Civitas Jacob, nunc Neapolis di-
 cta, juxta sepulcrum Joseph, quae à filio Emmor sui Regis vocabulum
 sumpsit.* Neque puto aliter R. Benjaminum in *Itinerario p. 39.* verba sua
 velle intellecta, quibus sepulcrum Josephi abs se in Samaria observatum
 scribit: *נבילת היתה שכם בחר עפרים ואין שם יהודים
 והיה ושבת בעמק בין הר גריזים והר עיבל ובהו כמז
 מארה כותיים שזמרים תורת משה לבודה וקורין להם
 שמרימניש — הם אומרים כי הם משכט עפרים וכינהם
 קבר יוסף הצדיק בן יעקב אבינו עליו השלום שנאמר וארץ
 עצמות יוסף אשר העלו בני ישראל ממצרים קברו
 Neapolis olim dicta Sichem, intra montes Ephraim condita:
 nec ulli hic Judaei. In valle jacet inter montem Garizzim & montem
 Ebal: ubi centum circiter Cuthae legis tantum Mosaeica observaretur;
 quos Samaritanos appellant. — Ex Ephraimi tribu se oriundos
 profitentur: & in diacessi sua habent sepulcrum Josephi jussi filii Jaco-
 bi patris nostri, qui in pace quiescit; secundum illud Jos. XXIV. 32. Tum
 ossa Josephi, quae deportaverant filii Israel ex Aegypto, sepeliverunt Si-
 chemi. Quamquam enim Cippum sepulcro positum non exprimit, il-
 lum tamen vel ideo sepulcri vocabulo significari non dubitamus, quia
 R. Uri bar Simeon in *Sichus haabboth*, quem libellum cum versione &
 notis recensuit Hottingerus in *Cippis Hebraeis*, non aliter quidem de
 eo loquitur p. 35. *ובין הר עיבל ורחוק משכם כמו תחום שבת בכפר שקורין
 Sichem in monte Ephraim
 est urbs inter montem Garizzim & montem Ebal conspicua; à qua ni-*
 vere*

nero termini Sabbathici distat vicus Belata dictus, ubi sepultus est Josephus justus, super quem sit pax. Sed addit tamen postea: וְיָרֵךְ אֱלֹהֵינוּ
 Hac autem est figura ejus sepulchri; quam & ipsam subjicit, & nos inde hic exhibemus.



Neque his dissentanea tradit è recentissimis Franciscus Quaresmius; qui loca hæc omnia accurare perlustravit, utpote terræ sanctæ præsul, & Commissarius Apostolicus. Is *Tom. II. Elucidat. Terra S. lib. VII. Peregrin. I. cap. VII. fol. 803.* ubi ex instituto de sepulchro Josephi: *Offici Joseph*, inquit, fuerunt sepulta in loco parum distito à fonte, inter fontem Jacob & Sichem, à leva parte; ubi in colle & pede montis monstratur structura quadam, quæ ab hujus regionis incolis Sepulchrum Joseph appellatur, & earatione ab ipsis Turcis & Mauri: venerationi habetur, ibique Mesquitam construxerunt; estque in loco satis amano, & proximo Sichem veteri. Plura ibidem congescit de ossibus ejus in Ægypto conservatis, inventis, translatis, de Nilo terram inundante, loculumque Josephi inundante, de ove miraculose locuta, & sepulchrum Josephi ostendente, deque aliis id genus, quæ apud ipsummet legi possunt. Ea enim dissertationi nostræ intercire noluimus.

§. XXIIIX. Alterum foret *Epitaphium*, in primis attendendum, si quod monumento sepulchrali inscriptum æque cognitum haberemus, ac monumentum ipsum. At nullibi de inscriptione ejusmodi sibi visa ac lecta quicquam memorant, qui cippum ejus descripserunt, non omisuri, si tantæ antiquitatis scripturam in monumento conspicuam legissent. De ipso quidem Cippo peregrinantibus ad loca sancta monstrari solito non levis etiam suspicio esse potest, esse suppositivum; sed ut demus, non ipsos illum, qualis nunc est, Israelitas justa Josepho olim facientes erexisse, non tamen ideo existimandum, plane omisisse hoc conservandæ memoriæ adminiculum. Tale enim monumentum matri quoque ejus *Racheli* statuerat Jacobus, eo loco, quo difficiliori partu extinctam condiderat, *Gen. XXXV, 20.* Unde religiosè morem istum statuas super defunctorum sepulchris erigendi adeo tenaciter Judæi servant, ut etiam in Talmudis *Massechet Schekalim Cap. II. Mischn. V. R. Nathan*